

আন্তর্জাতিক

ইরাক-জর্ডানে মার্কিন ঘাঁটির কাছে বিকট বিস্ফোরণ=

প্রতিবেদক: আন্তর্জাতিক ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ইরাক-জর্ডানে মার্কিন সামরিক অবস্থান লক্ষ্য করে নতুন করে শক্তিশালী হামলা চালিয়েছে ইরান। মধ্যপ্রাচ্যে দুই পক্ষের চলমান উত্তেজনার মধ্যেই বুধবার ইরাকের কুর্দিস্তান অঞ্চলের এরবিল শহর অন্তত ছয়টি বিকট বিস্ফোরণে কেঁপে ওঠে। একই সময়ে সেখানে স্থাপিত মার্কিন বিমান প্রতিরক্ষা ব্যবস্থা সক্রিয় হতে দেখা যায়।

অন্যদিকে জর্ডানের পূর্বাঞ্চলেও একাধিক বিস্ফোরণের শব্দ পাওয়া গেছে, যা মার্কিন সেনা বহনকারী ঘাঁটিগুলোকে নিশানা করে চালানো হয়েছে বলে ইরানের স্থানীয় বিভিন্ন গণমাধ্যম নিশ্চিত করেছে। জর্ডানের 'মুহাফাক সালতি' বিমান ঘাঁটির অভ্যন্তরে একটি ড্রোন ভূপাতিত হওয়ার খবরও পাওয়া গেছে।

ইরানের ইসলামী বিপ্লবী গার্ড কোরের (আইআরজিসি) জনসংযোগ বিভাগ থেকে জানানো হয়েছে, শত্রুভাবাপন্ন আগ্রাসনের জবাবে তাদের 'অপারেশন নাসর ২'-এর ২৫তম তরঙ্গের অংশ হিসেবে জর্ডানে অবস্থিত মার্কিন ঘাঁটিগুলোতে পুনরায় হামলা চালানো হয়েছে। আইআরজিসির দাবি অনুযায়ী, প্রাথমিক ক্ষেপণাস্ত্র ও ড্রোন হামলায় কিংস ফয়সাল ও প্রিন্স হাসান ঘাঁটি ক্ষতিগ্রস্ত হয়েছে। সেখানে এফ-১৫ বিমান সাজানোর

একটি স্থাপনা আঘাতপ্রাপ্ত হওয়ার পাশাপাশি মোতায়েনের অপেক্ষায় থাকা কন্টেইনারে রাখা আটটি নতুন এমকিউ-৯ ড্রোন সম্পূর্ণ ধ্বংস হয়ে গেছে এবং দুটি ড্রোন মারাত্মকভাবে ক্ষতিগ্রস্ত হয়েছে।

এছাড়া মার্কিন হেলিকপ্টার সংরক্ষণাগারে পরবর্তী হামলায় দুটি ভারী মার্কিন হেলিকপ্টারের ব্যাপক ক্ষতি সাধন এবং বেশ কয়েকজন সামরিক কর্মী হতাহত হয়েছেন বলেও দাবি করেছে তেহরান।

এরই মধ্যে নতুন স্যাটেলাইট ছবিতে কুয়েতের আহমাদ আল-জাবের বিমান ঘাঁটিতে ইরানি হামলার ধ্বংসাবশেষ স্পষ্ট হয়ে উঠেছে। আইআরজিসির দেওয়া তথ্য মতে, তাদের হামলায় কুয়েতের ওই ঘাঁটিতে থাকা মার্কিন বাহিনীর একটি 'এএন/এফপিএস-১১৭' আগাম সতর্কীকরণ রাডার, একটি প্যারিট্রয়ট এয়ার ডিফেন্স সিস্টেম এবং বিমান কার্যক্রম পরিচালনায় ব্যবহৃত একটি সামরিক স্যাটেলাইট যোগাযোগ ব্যবস্থা সম্পূর্ণ ধ্বংস হয়ে গেছে। সাবেক ইসরায়েলি বিমান বাহিনী প্রধান রান কোচাব এ প্রসঙ্গে মন্তব্য করেছেন যে, জর্ডান ও উপসাগরীয় দেশগুলোর ঘাঁটিতে আঘাত হানার ফলে মার্কিন সামরিক অবকাঠামো ও তাদের নজরদারি ক্ষমতা মারাত্মকভাবে ক্ষতিগ্রস্ত হয়েছে।

ইরাক-জর্ডানে প্রাণহানির ঘটনা স্বীকার করে মার্কিন সেন্ট্রাল কমান্ড বার্তা দেওয়ার পর, দোভার বিমান ঘাঁটিতে নিহত সেনাদের প্রতি শ্রদ্ধা জানান মার্কিন প্রেসিডেন্ট ডোনাল্ড ট্রাম্প। আইআরজিসি হুঁশিয়ারি দিয়ে বলেছে, এই হামলা মার্কিন সামরিক আত্মরক্ষার ক্ষমতাকে আরও ভেঙে দেবে এবং ভবিষ্যতে তাদের ওপর আরও শক্তিশালী ও সিদ্ধান্তমূলক হামলা চালানোর জন্য যুক্তরাষ্ট্রকে প্রস্তুত থাকতে বলা হয়েছে।

এ বিভাগের আরও খবর



সৌদি সামরিক ঘাঁটিতে হুথিদের মিসাইল-ড্রোন হামলা
সৌদি আরবের দক্ষিণাঞ্চলের একটি সামরিক ঘাঁটিতে মিসাইল ও ড্রোন হামলা চালিয়েছে ইয়েমেনের হুথি বিদ্রোহীরা। বাংলাদেশ সময় রোববার (১৩ সেপ্টেম্বর) মধ্য...



মধ্যপ্রাচ্যে আগ্রাসন ও একতরফা শক্ত আরোপে নিন্দা ব্রিকসের নেতাদের
জাতিসংঘে নিরাপত্তা পরিষদের (ইউএনএসসি) ঐক্যমতের পরিবর্তন-সহ বহুপাক্ষীয় সংস্থাগুলোর সংস্কারের জোর দাবি জানিয়েছেন ব্রিকসের শীর্ষ নেতারা। পাশাপা...



হুথীদের হামলায় সৌদির জিজানে মসজিদসহ বহু স্থাপনা ক্ষতিগ্রস্ত

ইয়েমেনের হুথি বিদ্রোহীদের হামলায় সৌদি আরবের জিজান প্রদেশে একটি মসজিদসহ বহু ঘরবাড়ি ক্ষতিগ্রস্ত হয়েছে। সৌদি আরবের সিভিল ডিফেন্স জানিয়েছে, হুথি...



২৪০ যাত্রী নিয়ে জাভা সাগরে নিখোঁজ জাহাজ

ইন্দোনেশিয়ার পূর্ব জাভা থেকে বোর্নিও দ্বীপের দক্ষিণ কোস্টার কাছে ২৪০ যাত্রী নিয়ে একটি যাত্রীবাহী জাহাজের যোগাযোগ বিচ্ছিন্ন হয়েছে। রবিবার...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/international/irak-jrdane-markin-ghantir-kachhe-bikt-bisfor>